



978272

芙蓉山館詞鈔卷一

詞林典故

赤城圖

芙蓉山館

虞美人

獸環不敢文鱗鎖寂寞熏香坐陰陰斜照上簾衣一片落花無  
語背人飛 羅衣巧襯雙金鳳猶怯寒威重春愁如夢不分明  
央及杏梁燕子喚他醒

浣溪沙

宿雨初晴度洩雲流鶯猶自惜餘春棟華落盡閉閒門 小市  
酒旗風帖帖橫塘漁網水鱗鱗垂楊影裏浣衣人

蝶戀花

芙蓉山館詞鈔

卷一

獨倚畫屏山六曲喚起雛鬟鎖上文鱗鑰貼地球簾烟翠薄隔  
牆風弄秋千索 斜抱銀箏嫌寂寞 斜箭三更好夢偏擔閣一  
架薔薇華自落濛濛涼月聞姑惡

清平樂

泛舟

鏡匳眉嫵湖水清如許蘭葉輕風槐葉雨好箇秋光無主 興  
闌欲泛歸棹隔溪漁子相招一帶藕華深處夕陽人影紅橋

燭影搖紅

孤棹迢迢溼雲如夢吳天暝一彎微月到蘆花晴雪寒無影離  
思恩恩未定更那堪漏長人靜倚舫凝眺山澹無姿水明生暈  
悵悵冬郎已涼天氣江南恨冷蛩哀雁攪余思淚點青衫凝



少年游 懷備玉琴

美人何處碧雲流魚信久沈浮一行冷雁幾枝衰柳併作十分秋  
西風若解懷人意吹夢到揚州心曲愁濃眼中天遠獨倚  
少陽樓

清平樂

秣陵秋旅

半林黃葉幾點寒雅黑一展酒旗風獵獵人醉六朝烟月故  
宮玉樹誰攀土花血影斑斑歎乃聲中歸去愁雲鎖徧鍾山

臨江仙

草滿瑤階塵滿鏡鵲鱸殘麝香焦相思瘦損楚宮腰花廊月廡  
從此罷吹簫倚徧危闌十二曲平蕪去路迢迢夕陽流水小  
芙蓉山館詞鈔 卷一  
紅橋別時折柳今又長新條

滿庭芳

柳戶雲敲蘭牖篆裊晝長瑤瑟慵彈紅絲小研纖手試麝丸縹  
緲琳華仙曲繡新譜寫上冰紈香肩並歌唇銜雨羅裏唾花寒  
無端千里別空江孤棹煙水迷漫漸雙飛入破聽到離鸞後  
夜相思難寄吳天遠落月如盤人何處夢魂長繞十二碧闌干

菩薩蠻

琉璃牋譜香奩句惜春怕到春濃處門外雨蕭蕭梨花落盡橋  
淚珠霑粉臉蛤帳和愁掩鸚鵡懺多情金籠學誦經

前詞



胡牀醉歌懷二仲

摸魚兒

韓景園有句云歸來坐深林悟到秋生處心甚愛之作此以寄

據胡牀深林獨坐微茫天色催暮碧雲幾葉流無影空地感秋  
成悟秋有語道還叩騷人識我家何處君應不說想籬豆花邊  
涼蟬聲裏依約認前路 淒涼意不數庾詩江賦天然空外琴  
趣偃偃我亦悲秋者忍招檀槽遺譜拌睡去枕半榻明蟾夢與  
秋同住玲瓏窗戶正露沁蓮池夜深人靜花氣冷如雨

喜遷鶯

立秋日東顧立方

琉璃牕牖正紵衫初試嫩涼盈袖一抹銀雲三分璧月酒醒黃  
昏時候儘開簾滅燭攪不盡清暉盈手闌干曲只拈將抹麗暗

芙蓉山館詞鈔

卷一

五

香偷艷 回首空感舊沈李浮瓜往事卿思否菡萏池塘蟪蛄  
庭院贏得而今僂僂相思無可寄聊數遍暝鐘清漏悵悵也稜  
稜玉骨共秋爭瘦

賀新涼

蔗館蛩聲起足清歡未寒時節已涼天氣著意悲秋不管何  
苦爲秋憔悴且領略露華煙翠小炷沈煙翻梵夾正桐陰滿院  
簾垂地雕梁靜燕歸矣 高樓四面山光裏又何須揮杯開宴  
燭奴鐙婢銷遣閒情無長策作達放顛而已儘拈遍豔詞香偈  
看月半牕花影轉拂藤牀藉月和花睡蝶夢覺飄然喜

思佳客

七寶燈前御翠翹更更漏可憐宵三分華月芙蓉館一水明  
星烏鵲橋栽恨葉種愁苗綠窗擁髻倩魂銷他生願化無情  
樹不宿青鸞宿伯勞

一蕝梅

秋到黃昏最寂寥鳳脰頻挑鵲腦頻燒玉人孤坐按秦箏曲點  
紅幺淚裏紅綃夜色陰陰上綺寮空院蠍蛸寒雨芭蕉魚書  
無便託江湖千里人遙一段魂銷

雙調望江南

秋如夢一院雨廉纖亞字闌干之字路桐花庭鬢棗花簾側側  
晚寒添相思意竟日未曾收筆染青螺翻黛譜墨研烏鵲寫  
芙蓉山館詞鈔卷一

六

霜縑因使寄江淹

前調

腰圍減芳思漸銷磨白紵單衫裁卻月紅鹽怨曲唱迴波閒處  
歛雙蛾人迹少瓊砌草成窠鬢影恰同花影瘦淚絲持比雨  
絲多悵悵奈秋何

昭君怨

一派雁聲如語一院寒聲如雨愁夢不成圓夜如年香閣鸚  
哥睡未繡榻狸奴來未閒事最相關喚雛鬢

喜遷鶯

泊舟楓橋聞歌有感

微雲如霧送晚來幾點菰蒲涼雨林影斂紅潭痕渲翠做弄秋

光如許，悵行蹤無定繫。一葉扁舟，沙渚誰相伴。有蘆花深處，一行眠鷺。凝佇天已暮。露柳霜蓮秋滿。楓橋路絃響，棖棖蠟光。隱隱隔院謝娘眉。嫵歌聲畱不住。又化作水烟飛去。淒涼意算者般情味，綠毫難覓。

滿江紅

寒夜感懷和謬齋舅氏韻

一夢黃塵，人世事隨他翻覆。君不見香桃自笑，風桐自哭。儘有熱腸，堪任依惜，無媚骨。能諧俗看客，顏強半爲愁銷。秋眉綠。元蝶化，緗千軸。白鳳吐才千斛。算墨池滋味，此生嘗足。詩好只應供鬼唱，文成誓不教人讀。錦囊空，只贖一編書，東華錄。

前調

芙蓉山館詞鈔

卷一

七

少日詞場揮彩筆，雲蒸龍變。曾記得夢中拜賜玉泯金硯書上。欲摩烏集闕，賦成不數。靈光殿十年來，意氣漸消磨，磨聲名賤。千丈髮隨年換，一掬淚和愁。嘖恨流光如此，最難消遣。蘸墨細臨鷹嘴帖，挑燈快讀虬髯傳。向人前擊碎古桐琴，花成片。

前調

霜幕風簾，青楊樹幾番搖落。翹首望青天，碎碎珠星作。作一院明蟾，清影瘦五更白雁。寒聲惡耐，淒涼自倒酒樽看餘醅。腳。劔欲活青萍，躍鎗欲死紅蕤。落問人生那得窮年寂寞。市上好從騶卒飲，朝來更逐毛公博。好男兒俊健似生猿，懶甘縛。

前調

墨寶騷茵人爭笑腐儒塗抹渾不信窮愁累我文章無色柱費  
千杯元麝髓難求半點青蚨血只贏來冪塊不能平填胸臆  
蘭膏燼心還熱蠶絲絕腸應直數年來只與蠹魚分食至竟纒  
細成底用少來楮棘何勞刻不如他估客競錐刀驅南北  
菩薩蠻

前詞  
玉屏花鎖鎖獨聽啼帖坐無奈洛神何騎魚慣撇波  
櫻桃花暝棲黃蝶珠簾掩映春雲葉門掩寶釵樓朝來嬾上頭  
石榴看樣巧線壓雙鴛鳥茜帶一條條相思瘦舞腰

芙蓉山館詞鈔卷一

八

前詞

玲瓏窗掩桃花紙蟻賊甲弄三絃子繡被狄香薰蟠蟠疊鈿雲  
月篩花影碎人傍花窩睡惱是夜烏啼花飛月又西

前詞

冰紋小簾銀絲細綠鬟著枕蘭膏膩懶唱懊儂詞病闌春去時  
燭花雙苞小龜甲屏風遶花外雨瀟瀟春魂何處招

蘇幕遮

燕

蘇幕遮

柳風輕梨雪溶翠味紅翎不羨颺颺鳳凰歸來香雨凍絮語  
相偎似訴春寒重掠珠屏穿繡棟那管人愁又踏簾鉤唳滿  
地落花紅不動銜入新巢軟襯雙棲夢

摸魚兒

寄王涼雲

閉重門悄無人到荒階苔已成篆蠻牋摺疊成方勝倩寄舊時  
吟伴腸已斷問春色和愁畢竟誰深淺危欄凭遍愛空翠濛濛  
斜暉澹澹一縷斷虹西小芳洲路細草高低似翦柔波來去如  
澗冷游情事渾如夢花雨半樓人倦春婉婉拌讓與尋香小蝶  
棲香燕如何消遣聽曲象廊西丁冬鈴語也似訴清怨

翠蛾前調

詞空寄燕香靈似語涼月與華燈翻煎

燈

據蒲團楞嚴讀罷旃檀縷縷烟細閣黎公案誰能悟略遣煩愁  
而已拈短偈蚤度取一番小劫春聲裏烏皮裘几笑斑管敲斜  
粉殘狼籍詩句沒頭尾奈文窗下一種悲涼滋味滿襟無限清  
芙蓉山館詞鈔

卷一

九

淚落花穩傍苔衣卧無奈輕風驚起憔悴矣怪如此穠春卻有  
悲秋意筠簾垂地又清影窺人夜闌人寂松頂月如水

賦辭浣溪沙

詞空寄燕香靈似語涼月與華燈翻煎

窄地球簾小院空薔薇香露沁嬌紅月痕如夢隔疎櫳  欽影  
垂垂敲玉鳳燭煤的的墜金蟲自摹花樣拂輕容

翠窗前調

詞空寄燕香靈似語涼月與華燈翻煎

一縷斑離甚處尋畫橋依舊柳陰陰別來憔悴到於今  未許  
梨花通半夢怎教梔子結同心輕風吹淚溼蘭襟

閑意念奴嬌

答顧學和

詞空寄燕香靈似語涼月與華燈翻煎

欽寄歷落笑譚問棄筆投舩而起少日詞場吞彩鳳人識盧家

千里辛味都嘗丁年易過氣短謀生計有誰知得溫生是大才  
士須信狂受人憎才非汝福寒餓應如此宿瘤無鹽都已嫁  
只有夷光未字世盡言愁僕原多恨卿復何爲爾茫茫交集伯  
輿當爲情死

石州慢

過鄒愚谷十二樓廢址

桐帽櫻鞵無端爭到最銷魂處交鎖凝紫碎屏腐碧誰家庭宇  
斜陽一片照見十二樓空釵光扇影銷何許雙燕不知愁只銜  
花私語淒楚靖安坊冷金谷園空繁華無主付與攤錢牧豎  
撈鰕邨女微波如灑可惜金粉塘邊芙蓉蓮子隨他去賸一樹  
棠梨葬年年春雨

芙蓉山館詞鈔

卷一

臺城路

爲晴沙舅氏題春風吸茗小照

頭銜最愛稱茶部高風更懷柔苾柿籠拋時桐瓢搗處飄出冷  
烟千縷青驄纔駐約不夜侯來共伊容與此客殊佳未須更顧  
索郎語松濤時沸幽耳又疑瑤甃畔亂響春雨細點紅薑輕  
研綠雪小盞盈盈勻注清幽如許吹不上京華一分塵土謾解  
朝衫腋風輕自舉

前調

一肩茶具隨行屐榻來錦城閒憩巴峽寒流峨眉飛瀑可似江  
鄉風味郵筒頻寄問蒙頂春初雪芽生未折腳鐺中空明滿貯  
冷雲甕軒窗長日無睡愛披襟獨坐風日晴美琴韻愔愔羣

香浥浥添上半甌寒翠閒情如水憶小杜當年落花風裏何似  
眞長茗柯饒實理

世說劉君茗  
柯有實理

前調

長吟平子歸田賦翩然遂吾初服調水符閒清人樹老無恙家  
山新綠浪翁水樂愛別有宮商不關琴筑貯月分雲不勞遠去  
向甘谷 眼前塵事都遣向林泉勝處管領清福冷瀨冰花香  
凝雪乳抵得明珠十斛然將楚竹看魚眼勻圓嫩湯初熟破睡  
風來萬松涼謾謾

前調

生綃畫出江南夢而今果饒歸興綠拘盈階紅尖照水彷彿圖  
芙蓉山館詞鈔 卷一

七

中風景煙霏雪凝看水色茶香故山都勝只是風前鬢絲換卻  
舊時影 相看共有茶癖記輕風細雨催喚烟艇秘色窯邊長  
生瓢畔細和昌黎石鼎頭綱八餅怕題起前塵便勞追省悟到  
無言聽流雲出嶺

荷葉杯

寄二弟

一點幽懷難寫深夜窗燭背人紅二更殘夢雁聲中相見總朦  
朧 冷月黃花籬落蕭索一別兩重陽故園對酒也淒涼何況  
是他鄉

蝶戀花

吳江道中

秋水一灣雙槳舉又送行人過卻吳江浦回首津亭天欲暮碧

雲如畫衾殘，雨急獨倚危舷。愁不語無限，吟情付與崔郎句。夾岸丹楓，無別樹，夕陽紅到銷魂處。

首吳水龍吟

舟中對月有感

浪紋千頃，玻璃蘭舟，棹入空明地。推蓬遙望，露華吹溼，薄羅衣袂。蠟燭幢幢，窳痕隱隱，清輝如水。恰愁人無賴，眉間心上，無限事都提起。莫是誤來人世，倩姮娥把愁遙寄。奈他碧落深沈，長是玉樓深閉。五夜哀蛩，一天冷雁，逼人愁死。看方諸影裏，絲絲點點，替彈清淚。

竹波齊天樂

雪夜排悶

海神懶作魚龍戲，漫空六花零亂。細刻圓冰，輕研碎玉，裝點誰

芙蓉山館詞鈔 卷一

七

家。漁館簾絲，串斷愛脈脈，如塵當庭。吹滿一曲新歌，衍波牋紙，付蕭貫。青鐙掩冉，如豆擁裘孤坐處，更箭頻轉。蓮子杯空，蘆花被薄，無分酒香。裊淒涼，誰管。便憶起天涯兩三吟伴。凍合江雲夜深，離夢遠。

半落蝶戀花

旅夜

金柝敲更，蘭夜半，鐙暈迷離。抱影眠孤館，一榻青綾，偎未煖。荒雞又把行人喚。衷上霜花吹欲滿。裊裊鞭絲，催過溪橋畔。回首吳關天樣遠。柔腸只共車輪轉。

東坡前調

替戾鈴聲寒轉急，絮起閒愁百種。鏃心鐵塞北風高，綿欲折蒼

涼古道沙如雪  
底事芳辰輕遠別  
昨夢還家似有人憐惜坐  
轉碧欄干外月曉寒珍重分明說

真珠簾

冰花

誰將面面琉璃鏡照出雲華層疊香色了難尋最高寒標格花  
工小住光明界早枝葉生來都別瑩微似一叢鸞樹逗來圓魄  
惜少賺雪鬢霜做紅嬌紫妬助他顏色移傍水晶簾怕阿誰  
偷折奈他彈指銷融後便化作冷雲無迹愁絕似殘春風雨一  
般憐惜

河傳

夏夜聞隔院歌聲有感

宛轉淒怨路迢迢隔斷紅牆綺寮香喉一串可憐嬌長宵惱人  
芙蓉山館詞鈔卷一

吉

翻六么 我亦康陵傳舊譜爭琶鼓紅豆當場數到而今恨飄  
零空庭倚欄和淚聽

前調

記否紅裋綺筵前玉指纖纖攏絃念奴嬌被想夫憐纏綿銷魂  
自去年 觸起前塵惆悵夢江南弄暮地風吹送棗花香月影  
涼思鄉夜深人斷腸

木蘭花慢

竹簾

是湘雲一片誰翦落影娟娟看愁淚無痕離魂欲化院後廊前  
玲瓏冷波低蕩任花風裊上水沈烟曉露千絲碧窸夕陽一桁  
紅偏 明玕戍削可人憐最好已涼天憶舊家風景蒨花小閣

著葉輕船而今水雲無分只紅塵遮斷便疑仙留伴桃笙八尺  
日長枕手閒眠

念奴嬌

錦筵紅燭酒三行以後拍張言志但得索郎同旅語眼底何知  
許事如此良宵爲招座客各試平生技蔗竿爲仗下塔三中其  
臂便擬火底調笙柱閒縛角演出魚龍戲打鼓搗來騎屋棟  
竟作摻搗而起人笑顛狂我誇跌宕任達爲佳耳誰能端坐讀  
書作老博士

臨仙江

花瑄無聲虬水咽比肩人倚紅樓拈將夜合入磁甌玉纖掛翠  
芙蓉山館詞鈔

卷一

五

醪珍重醉郎愁 疊疊涼雲相掩映素娥也似嬌羞曲闌干畔  
笑凝眸滿簾花影好不肯上簾鉤

應天長

半簾花影西風颭冷逼鳳鏡孤燄閃移妝檻鋪文簾十二雕窗  
和月掩 離愁濃似醞宮樣雙蛾長斂檀枕夢醒回粉臉淚珠

三四點

卜算子

稜稜畫屨牆窄窄湘裙秋一寸秋波不耐嬌彈淚秋千下 錦  
字十三行半摺箋新研鸚鵡無情也解愁學說相思話

更漏子

御鸞釵熏翠被深院夜寒如水  
珧窗掩畫屏空箇人愁思濃  
篆香重銀液凍醞造一牀愁夢  
霜片墜月華低早雅烟外啼

水龍吟

涼波一片空明飄來露脚如烟  
細沙鷗撲漉葦蛩叨絮攪人無  
寐獨凭危欄紫蕉衫薄夜涼如  
水正嫦娥嬌嬾裝成半面徐徐  
被雲扶起 忽聽歌聲搖曳想高  
樓有人偷倚香咽珠字玲瓏  
一串紅紅難記已是他鄉那堪  
消受者般情味看綠窗深處雙  
條絳蠟也飄秋淚

菩薩蠻

譙樓搗鼓聲聲徹小牕初上迷  
離月獨自翦秋鐙畫屏山幾層  
芙蓉山館詞鈔 卷一 五

夜涼會半擁顛倒江南夢心事  
情誰傳此閒無杜鵑

浣溪沙

初試生衣怯下牀小鬟拂鏡促  
朝妝露桃紅影上銀牕 曲院  
春寒螺黛斂重幃風細麝煙長  
夜來好夢費思量

蝶戀花

小院涼生簾半揭羅幕如煙一  
點明蟾入浴能憑欄雲髻側輕  
粧掩映芙蓉雪 誰傍花陰調  
鈿篋觸起柔腸多少愁根節銀  
漢迢迢蘭信隔露華和淚吹衣  
溼

臨江仙

一自游驄花外去經年久絕音  
塵空箱疊損鬱金鏡鸞羞獨

照衾麝惜餘熏 碧海青天人悵望斷腸最是黃昏紅箋小字  
寫迴文淚絲山枕雨夢影鎖窗雲

虞美人

四條絃子龍香柄紅燭幢影當筵催賜錦纏頭小隊霓裳都  
解按涼州 夜闌漸覺聲凄促不是江南曲離人聽罷轉無聊  
憶著吳娘暮雨唱瀟瀟 怨鴛鴦綠屏三四遍芙蓉面  
生查子 五城宮殿 夢中人不見 殿前香且當 猶  
微紅頰暈生淺綠眉痕逗侍女約簾鉤繡閣妝成後 細步下  
香階慢卷宮羅裊折得小桃花背立東風瘦

女冠子

芙蓉山館詞鈔

卷一

去

多生慧業憶在蕊珠宮闕玉臺前明鏡圓規月輕羅澹卷烟  
機中挑錦字花底語香絃無限關心事情華年

謁金門

更漏轉獨夜最難消遣惆悵意中人不見銀河清且淺 隱隱  
簾波斜卷曲曲屏山不展露溼秋星三四點熒熒如淚眼

蝶戀花

記否蓉湖湖水漲千柄風荷紅影爭搖蕩消夏灣頭停兩鬢新  
詞付與玲瓏唱 久客不須頻悵望料得年來風月應無恙一  
葉扁舟烟水上他時容我長蕭放

百字令

過班定遠墓

蘭臺著作讓阿兄獨步甘心投筆別有奇功垂史冊伯仲居然  
雙絕遠度龍荒窮探虎穴不負封侯骨備書碌碌小儒何處生  
活當日絕塞留屯孤軍制勝拓地通疏勒萬里功名真唾手  
依舊玉關生入故國魂歸高原冢在三尺麒麟榻我來憑弔英  
風猶振林樾

摸魚兒

家伯初過興平有弔貴妃墓詞因和之

是耶非人閒天上一抔埋恨荒土蛾眉訣絕須臾事此地六軍  
曾駐君看取剩滿地苔錢淚洒胭脂雨延秋古路悵凝露香銷  
翦霜紅葬寂寞佛堂樹傷心處零落霓裳小部千秋絕調誰  
譜一般解脫龍華劫不及雪衣鸚鵡真浪語渾不信玉真自返  
芙蓉山館詞鈔卷一

七

蓬山去香盟已負縱按地生天慧因重證此恨也難補

錦堂春

新正二日次清風店題壁

樓角初融晴雪簾旌低襯明霞佳游彷彿章臺路細馬玉鞭斜  
小豔疎香時候嬌歌脆管人家東風從此須珍惜二十四番  
花

定風波

道中見新月

側側輕寒夜漏分纖纖月影碧籠雲逗出春光剛一線初見如  
塵似夢最銷魂看到團圓知有待無奈清輝偏照別離人纔  
把閒愁拋撇去凝眸鏡中眉樣又逢君

齊天樂

鈴聲

耳鳴不是聞鞞鐸聲晚來淒警古堠烟寒空槽月落一片宮  
商相應清圓入聽更似忽如愁助人銷凝夜雨唐宮千年恨事  
劫灰冷花叢舊遊堪憶綰風絨索動香夢初醒鸚母簾前猶  
兒帳底不是者般情景千迴記省問飄蕩行蹤甚時方定伴我  
心旌其搖春夜永

前調

拆聲

是誰散打蝦蟆鼓聲聲恰環鄰屋逗破黃昏敲殘白曉不管離  
人眼熟跳珠撒菽似玉虎牽絲桐魚呼粥記否當場箏琶滾徧  
六州曲嚴城曾伴刁斗正邊烽夜警急響相續舊事心驚長  
途耳倦孤枕那禁振觸更闌轉促又攪入寒雞數聲呬催催墮  
芙蓉山館詞鈔卷一

六

鏡花背人紅餞斂

摸魚子

過邯鄲

兩茫茫神仙富貴邯鄲古道行客酒邊卻話才人恨零落好春  
堪惜薄命妾休悵望鈿車夢斷瓊樓月茗華一闋記當日叢臺  
妖歌嫵舞轉眼也消歇人何處謾道上清淪謫蕊珠依舊宮  
闕年華最怕經風雨多少粉魔香劫尋解脫除非問青叢枕裏  
丹砂訣情腸儻熱便金屋藏卿雲臺著我還是在夢中說

臨江仙

八日

屈指春來才七日行人去去何之別離不慣苦相思情誰簪絲  
勝爲我把金卮雁後歸期全未穩吟情也比花遲江南消息

早梅知疎香官閣夢冷蕊草堂詩

祝英臺近

渡潭水

蕩晴雲流曉月綠影渺無際橋斷虹腰恩恩阻征騎舉鞭指點  
斜陽英雄何處怎烟景蒼涼如此 精凝睇惻悵銅雀高飛無  
人識遺址駕瓦零屋也沒魏宮字只餘一掬春波盈盈東注是  
多少望陵人淚

漢宮春

旅舍見迎春一樹花甚爛熳因成此闋

除卻江梅算春風消息伊最先知蕭疎籬根石角見兩三枝宮  
羅幾覺怯朝寒纖瘦難支依稀似玉人桮貌懨懨小病闌時

香國何人試巧怪輕勻蜂額細翳鬢衣風流未輸弱柳金縷低  
芙蓉山館詞鈔 卷一 五

垂初三淡月逗微光偷照幽姿憑寄語東君著意莫教擔誤花  
期

蝶戀花

鐵門阻雨

滑滑春泥朝雨罷小卓雙輪人住旗亭下一抹淡烟青欲化乳  
鳩還把輕陰罵 韶景拋人彈指乍柳惜殘春槐自迎初夏爲  
問晴光如可借丙丁帖子催教畫

洞仙歌

有贈

趁時梳裹恰明姿玉潤花朵盈盈壓危鬢更橫波犀利巧步尖  
纖誰得似一種可人風韻 綵雲行不得笳轉音高羯鼓勻圓  
四絃緊袞徧小涼州淺立筵前又軟語流鶯聲近長記得相逢

踏青時看細馬春衫倍憐輕俊

前調

幾番邂逅信十分閒雅不是矜持見時乍看銀泥褰褶金屑植

槽貪顧曲不覺酒闌燈炷也應憐宋玉月夕霞朝爲爾腰圍

瘦堪把秀色遠山橫好倩丹青寫鬢影春風圖畫算標格真應

伴才人坐翠竹叢邊玉梅花不笑爭與飄飄珠璣一髮只

前調

阿環嬌麗正穠妝卻扇半鞞叢鬢貼金鈿恍羅浮鳳子五色翻

纓雙垂手三疊霓裳拍徧有綠連榻坐對話江南吳語關心

最清輒一曲紫雲迴賞殺嬌喉紅氍上明璣鋪滿更別有風流

芙蓉山館詞鈔卷一

繫人思聽冷雨幽窗恁般淒怨

前調

天然點點是薰香佳俠放誕卿還用卿法正落梅妝罷墮馬梳

成用壽陽同心帶雙綰紅綃尺八鴛鴦生怕捉隔著芙蓉未

許相親便相狎讒語故嘲伊淺笑伴嗔腮渦畔紅潮一霎只病

酒心情可憐生便小盞當花忍教輕啣春風亂畫堂

前調

鸞咽妬唱聽紅牙頻點銀燭千枝吐蘭燄怪纖纖過酒小小藏

鉤看瘦影何事翠蛾偷斂紺圓留慧種枏樹雙林肯共羣葩

鬪華豔回首夙生因解怨颺零道歌扇舞衫都厭料別後秋心

定淒涼對月淡花疎此兒堪念

東風第一枝

入日

拂戶風柔隔屏寒淺佳辰入春纔七綺筵初泛清樽華旛漫題  
彩筆團圓官舍數樂事最宜今日只故園遠隔天涯卻憶梅花  
消息 恰金斗生衣乍熨更篆鼎水沈旋熨逗來樓角明霞滅  
卻庭陰殘雪熏桃注柳看取次春光如纈愛清宵脈脈多情簾  
外微黃新月

探春

銀川旅舍元夜偶成

寶暈銷痕仙雲散影三五明蟾豔婉暗釀春嬌全迷夜色燈火  
六街零亂無奈餘寒峭尙未放繡簾高捲一般笑語盈盈翠樓

芙蓉山館詞鈔

卷一

三

多少游伴 誰念旅愁孤館覺點碧裁紅舊情全懶心字香銷  
雙花燭炬怕聽邊城歌管凝想江南信早開過梅花一半剩有  
閒情彩牋新句題滿

鳳棲梧

與二弟別後宿平戎驛作

萬里分攜真草草流水東西嗚咽傷懷抱削雪千山山四繞塞  
程迢遞何時到 我亦風塵行未了羸馬黃昏缺月來相照獨  
火熒熒邨店小夜寒葉斷人聲悄

百字令

旅夜有懷舊遊

華年彈指最難忘只是酒旗歌扇金粉南朝行樂地水榭中宵  
絃管楊柳情絲海棠夢影醉眼春撩亂分香帕子行行新句題

滿誰念關塞棲遲吳雲萬疊離恨連天遠烟月秦淮無恙在  
依舊蘭橈波煥豔角吹愁銅荷飄淚聽徹更長短沈思往事酒  
醒人在孤館

生查子

游蜂觸樹僵啁雀爭枝墜暗裏覺春回尙有餘寒在 小步粉  
牆陰剔雪尋梅蕊零落惜花魂滿眼傷春淚

百字令

藥鑪煙裏怪春來小病厭厭如許玉琢相思金鑄淚只有此情  
難訴麝炷香銷鉛波鏡掩誰與修眉譜沈思往事總如春夢無  
據 須信交頸妃央雙頭菡萏慣入閒詞賦留得情腸經劫在  
芙蓉山館詞鈔卷一

蝶戀花

紅遍花枝青遍柳彈指韶華又是清明後長日厭厭如中酒閒  
愁空在眉尖鬪 拋卻金鍼傭刺繡窳地簾波料峭輕寒透薄  
暮倚闌垂翠裏落花風裏春人瘦

燭影搖紅

且食蛤蜊那知奴價高于婢裸衣亭上大聲呼何與癡人事年  
少疎狂意氣歎此日消磨盡矣風沙裘劔莽莽天涯竟無知己  
仰屋著書千秋萬歲誰傳此不如魚鳥見流連肆意酣歌耳

客舍西風又起憶故國葦鱸正美幾時歸去一棹飄然五湖烟

摸魚兒

九日蘭山登高

傍層樓晴雲數點霜空萬里無際年年此日題餠會佳客樽前  
同醉離別易真箇似萍蓬聚散無根蒂漫郎憔悴也中酒懷人  
星星滿鏡旅鬢早斑矣誰相念十載邊城孤寄西風吹夢迢  
遞故山雲壑應無恙何日好尋歸計秋色裏依舊是紫萸黃菊  
傷心麗凭高引睇又猛拍闌干曼聲長嘯塞雁忽驚起

菩薩蠻

相思人隔榆關道芳心卻怪春來早低語祝花枝人歸開未遲

芙蓉山館詞鈔卷一

五

黃昏聽玉漏影背明鏡瘦香夢遶屏山雲迷第幾彎

齊天樂

三弟寄椒珠並蜀箋數種賦升二闕示之

申椒密綴驪珠顆玲瓏是誰呈巧郁烈盈懷勻圓在握雅稱騷  
人襟抱奇芬繚繞似頰過靈花酌乘春醪佩作香瓔碎邪不用  
鑄剛卯休嫌幻成圓相當風偏逆鼻生性孤峭蘭是同心桂  
原其氣風格自憐差老禪機悟早愛百八牟尼一般香妙證入  
闍思帶些辛味好

前調

文鱗六六巴江到蠻箋百番相贈海藻輸華溪藤讓滑幅幅琉  
璃光瑩粉痕紅凝更染透桃花十分妍靚韻事流傳錦官城外



芙蓉山館詞鈔卷二

金匱楊芳燦蓉裳著

浪淘沙

衰柳石橋邊且放江船夕陽明上鷺鷥肩  
瑟瑟蘆聲似雨萬頃秋煙  
風緊布帆偏黯澹霜天  
袂衣寒重要添綿  
回首家山青漸遠鄉思悽然

謁金門

愁脈脈抱影獨眠荒驛階下寒蛩嗁不歇  
秋聲高一尺涼浸羅衾  
疑溼露氣隔簾吹入單枕中宵頻轉  
側夢雲無處覓

臨江仙

芙蓉山館詞鈔卷二

記否徵歌桃葉渡當筵頻醉羅裘東風吹暖  
一樓春花香歡氣息  
柳弱妾腰身飄泊天涯人易老  
佳遊早謝前塵藥鑪經卷  
伴黃昏鬢沾秦塞雪  
夢斷楚山雲

解語花

鞭香

鮮雲乍卷麗景初舒簫鼓晴郊鬧朱幡翠葆紛成隊  
兒女攔街歡笑蹄瑩角簫訝刻畫形模偏肖  
待來朝撲散香塵看絲爭裊陌上春泥融了  
漸軟紅吹漲花信先到玉驄駉  
覓芳客別有珊珊縈繞  
田家相報聽遺樹架犁鳥名催曉好呼童  
飯犢煙坡勸東畝耕早

前詞 蕩絲

妝成梅萼頰過椒花儘有閒心性春風曉鏡雙蟬鬢宜貼銀幡  
華勝金刀手冷怪幾日峭寒猶凝颺晴霞活色生香乍看來不  
定 花戶油窗相映愛晨光微逗分外幽靚蔥纖巧逞新裁翦  
多恐蝶魂催醒明姿端正便香國司花也稱傍妝臺小立盈盈  
散滿身紅影

前調 賣燈

春情豔婉夜色迷離小市華燈徧方空素絹新描畫露葉風枝  
低顫燭花初翦看萬點琉璃齊泛隔簾波悄擲金鏡不道韶光  
賤 最憶雪晴池館正蕙花香散翠幙初卷月華如練人微醉  
那管漏催銀箭春風圖面在夜火闌珊庭院悵江鄉一種佳遊  
芙蓉山館詞鈔 卷二

問甚時重見

前調 試黃

架塗青漆牀釘圓花百面春雷響雲密霧幌傳聲處趨得和風  
駘蕩歌場十棒恰袞徧六么高唱遶花叢紅萼催開更翠萌齊  
長 少日蕭郎伎癢塌來騎屋棟意氣豪上一般俊爽花奴手  
可似漁陽清壯休誇跌宕怕絕調更無人賞近天街且聽淵淵  
和康時擊壤

臨江仙

露井冰銷寒意淺抱琴人在閒庭蕙鑪香裊戶初扃卷簾邀夜  
月滅燭數春星 憔悴司勳才思滅天涯甘載飄零江南山色

夢中青梅魂無處覺柳眼幾時醒

翠樓吟

丙辰二月花朝適逢春分社日詞以記之

春色平分花期剛到又逢簫鼓邨社韶光看總好問何處最宜  
閒寫少年游冶記鬪草池塘簸錢亭榭彈指乍前塵如夢舊歡  
都謝牽惹萬縷閒愁待雙燕歸來訴他情話花梢寒料峭猶  
未放一枝紅亞春魂欲化漸苔髮風梳柳眉煙畫酣清夜且傾  
佳釀月波同瀉

浣溪紗

一桁簾紋窳地垂天涯芳訊費尋思閒愁惟有翠眉知  
煙裏綠痕歸柳重霞分紅意到花遲殢人最是早春時

芙蓉山館詞鈔

卷二

三

邁陂塘

楊梅

記冰厨吳鹽如雪滿盤鶴頂初破年年筍老櫻殘後便盼洞庭  
煙柁圍叟過看拾到筠籠翠箬重重裏勻圓百顆笑嬌小吳孃  
玉纖拈處先怕粉囊沈閒銷暑露井水亭清坐不須料理茶  
磨夜深一口紅霞嚼涼沁華池香唾誰餉我况消渴年來最憶  
吾家果歸田願左便買夏論圍山資未辦作計甚時可

前調

枇杷

傍牆根籬煙漏月濃陰一簇如蠶蠟珠密向枝頭綴壓得翠梢  
低亞梅雨灑也染就嬌黃輭縹緲宮羅帕林鶯姪姪縱香夢驚回  
金丸在手爭忍便拋打誇珍品只有江南亭榭離離子熟長

夏相如錯認秦中樹賦筆空勞摹寫纖露下愛摘向雕盤俊味  
甘於蔗閒情又惹記端正窺人當風郵裏花底小門罅

前調

青李

憶江南堆盤碧實拈來露氣猶溼青房別是瑤池種不數千株

玉葉寒水滄恰好共浮瓜顏色爭蒲鵲甘回齒頰似青子紅鹽

分來風味入口卻微澀招涼處偶傍閒階小立兒童樹底爭

拾一痕細認嬌紅凝西子春纖會捻歸思切正獨坐幽齋寫到

來禽帖歡遊未愜羨當日南皮名流佳讌挈爾伴蠻榼

齊天樂

珍珠蘭

疎花隱葉渾難認清宵露痕微泫細裊冰絲斜穿翠縷惹惹寶

芙蓉山館詞鈔卷二

四

珠成串兜孃試翦愛插向蘭雲倚風輕顫一斛樓東向人憔悴

訴清怨疎簾剛逗新月坐來冰簟滑漏箭初轉乍覺生香如

聞吹息慣惹離人腸斷愁深夢淺問碧影纖纖甚時重見剩有

清芬夜涼浮茗盃

前調

茉莉

瓊田萬朵仙雲墮名花幻成奇絕玉骨玲瓏冰魂縹緲不識人

聞炎熱看來總別似夢入瑤臺月華如雪未信炎州出塵有此

好標格碧紗幮畔銷暑玉壺曾貯處一樣瑩徹冷豔疑銷空

香欲化頻向枕函邊覺仙姿誰匹怕素靄青梔比來差劣澹到

無言滿庭涼露白

前調 夜來香

紗櫺月上玲瓏影幽懷不禁根觸似有香來不知花處葉色隔  
簾微綠芳叢幾簇愛人定風微麝薰吹足素女多情空中也爲  
撒金粟 追涼最宜露坐傍垂蘿低蔓冷翠如幄碧玉嫵婷綠  
珠嬌小相對黛眉雙蹙明河絡角只可惜涼宵漏聲催速漫展  
蕉牋譜新詞一曲

高陽臺

新秋息園暇眺

小雨催涼微雲弄晚一庭秋色澄鮮茶具攜來呼童試瀹清泉  
遶廊靜聽風甌語澹吟懷句可通禪記前番藥甲開時曾放鮑  
船閒階幾簇秋花瘦倚玲瓏小石分外幽妍垂柳多姿蕭疏  
芙蓉山館詞鈔 卷二

五

已惹愁烟林鶯總惜春紅老到秋蟬綠也堪憐正銷凝新雁行  
行又過樓前

小窗秋霽

本意

涼雨初過喜天放新晴滿眼秋色林響蕭騷池光澹沱苔痕綠  
透簾隙溼雲無迹斜陽影裏殘虹直更杳杳屋角遙岑微露一  
螺碧 蒼然平楚暝色催愁幾番巡檐暗數歸翼望吳天故園  
何處山中猿鶴正相憶萬里雲波蘭訊隔凭高目斷又是根觸  
離心小樓風外一聲長笛

步月

玉簫

玉筍留痕冰壺蘸影冷光微映簾押幽叢淺綠比蕉心差狹看

露下素萼開纔訝雲外瑤姬來霎搔頭小吹墮碧欄幻成香莢  
麝熏圍匝正拜月妝成葉底爭招箇人纖媚傍蘭雲低插  
愛一縷香逗秋衾正半夜夢回涼榻清韻足沈水罷添睡鴨

水龍吟

雙花

小紅開徧遙汀明漪倒浸玲瓏影花工似惜秋容催老渚蓮千  
柄故著幽姿叢叢點綴水鄉煙景料閒鷗也愛風標如許并立  
到斜陽冷 宛轉虹橋相映正湖干約絲風定柔枝婀娜低捎  
翠藻弱牽青荇擊碎珊瑚臂將瓔珞粉零臘恨江南路遠何  
時花外更維蘭艇

紅情

芙蓉山館詞鈔

卷二

六

小園雨過看盈盈葉底危花難安照水亞枝顧影偏憐態纖瑣  
薄暝殘霞數點晴煙外怯風吹墮似靜女病起慵妝臨鏡鬢雲  
鞦 一朵最婀娜乍點注絳脣笑齒微瑤冶情無那怕點閒階  
翠苔破分付催春杜宇莫更把茜痕唬恹任高閣客去也且留  
伴我

綠意

嫩睛臺榭又壓檐新綠一片低亞試拓窗紗几硯生涼碧痕潑  
眼疑瀉漫研螺墨爭題句正滑膩苔牋初研羨尋香小燕身輕  
穿過幾重烟罅 況是迷空翠雨遠山愁黛斂秀色難畫挑菜  
期過採葦人歸可惜好春無價便尋遊伴攜蠻榼拌醉倒青莎

堪藉恁因循負了韶華彈指惜惜槐夏

玉京秋 曉月

天宇碧冰蜍又飛上半規孤白翠波不動雲華凝裂挂壁昏鏡  
無燄漸秋牕涼影如雪催行客夜烏驚起繞枝淒咽冷浸星  
痕欲滴點征衣方諸淚溼如許清輝無因向紅樓人說馬背尋  
殘夢髣髴身到琳華宮闕太相逼一片煙霜曉色

徵招 霜花

玉州匝地殘蟾起高空夜雲齊斂青女鬪嬋娟散瑤花如糝著  
衣明冉冉只吟鬢怕教頻點更惜東籬菊蓼憔悴舊香全滅

籠馬過溪橋空濛裏回首一番消黯冷蕊不依枝逐西風輕颭

芙蓉山館詞鈔 卷二

七

莫嫌姿太澹好秋色儘伊烘染看霞外幾樹丹楓比茜桃還豔

菩薩蠻

舞鸞鏡匣流塵滿曉妝無柰鸚哥喚掠削鬢雲偏蘭釵欲墜肩  
陰陰香霧凍敲枕春愁重簾捲正西風落花飛向東

金縷曲

黃荊林自興安軍營寄梅花小幅因題四闕於左

廿載辭江國記尋春瑣衫昔帽歲寒泉石拋卻家園三百樹漂

泊天涯爲客聽吹徹玉龍淒咽縞鶴青猿勞悵望繞寒溪幾度

飄香雪江天遠夢難覓故人知我心相憶研生綃一枝疎瘦

翦來烟驛海月流光明似鏡冷挂珊瑚七尺彷彿見舊時顏色

不分何郎吟興減索枯腸試點春風筆鐙欲炷硯剛柔

前調

尺幅傳心素，傍南枝、淋漓題徧。相思新句，慷慨短衣隨玉帳，不道此行良苦。看揮灑、儘饒風趣。只我沈吟添別恨，黯銷魂、細雨關山路。佳人遠，碧雲暮。飄零總怨前塵誤。漫裁詩、嘲桃謔柳，賞心難遇。記否巡簷同索笑，雪北香南俊侶。空回首、舊遊何處。甚日相攜官閣畔，對疎花、重把淒涼訴。展瑤席，酌蘭醕。

前調

薄醉吟肩聳，正邊城、釀寒三九。傲裝孤擁，竹外橫斜看最好。恰伴小齋清供，須省識、寄時珍重。手炷水沈煙，一縷拂琴絲譜出。江南弄，冬心抱，有誰共。四簷晴雪懸冰凍，照文窗、凌兢蛟背。

芙蓉山館詞鈔

卷二

八

墨波浮動十二屏，山圍屈曲似有暗香偷送。賺兩兩翠禽幽吟，獨夜蘭釭明似豆。擁青綾，定作羅浮夢。寒月影逗簾縫。

前調

彈指華年過，掩重關、鬢絲禪榻。六時清課，知已關情千里別貌。出寒花似我，有多少、冰霜摧挫。客到任嘲元，尙白只素衣空惹。緇塵浣名山，約幾時果。懷人遠，道情無那。劃鑪灰，喚添商陸。微宵癡坐，一派角聲邊月。曉冷豔盈盈，欲墮更玉齒粲然微瑳。姑射仙妹天際想，笑騷人有句吟難妥。憑驛使，寄君和。

百字令

喜蔞林至高平，招同周倬雲、陸秀三遊柳湖卽席賦此。

廿年舊雨喜天涯，握手倍增幽興。遲日園林新霽後，占取風光。

殊勝瘦竹迎筇枯苔印屐柳色明衫影湖光湛綠小亭恰似漁  
艇最愛泉味清甘瓶笙細響就石支茶鼎似此佳遊曾幾度  
記否故山煙景靜識禽音樂知魚意懶愜閒雲性踏歌歸去一  
林疎翠初暝

玉漏遲

憶闌小艇玩月

晚霞初散綺正素月流光逗簾額試拓疎窗淺印一方珂雪  
涼意蕭蕭竹樹人靜後滿庭秋色河影直遠山不動夜雲堆碧  
攜手共覺清歡好料理吟箋莫負蘭夕記否頻年對景漫勞  
相憶小閣玲瓏如艇渾疑泛鷗波千尺更漏急生衣露華吹溼

沁園春

中秋卽席用迦陵韻同二弟作

芙蓉山館詞鈔

卷二

九

今夕何年皓月當頭停杯問之記隱囊塵尾曾陪庾亮舉禽朔  
管曾伴陳思清讌西樓冶遊北里多少騷人絕妙辭今何處只  
瓊宮無恙環佩桂徽晴空霧斂烟霏算此景年來見亦稀儘  
掀髯老我首情頓挫隨肩愛弟才調恢奇蘭席平鋪螺牕盡拓  
觚爵齊騰逸興飛燒高燭擎蠻箋十樣醉墨分題

前調

風度疎篁露下高梧清輝轉揚更涼莎繞砌蛩聲斷續明雲度  
水雁影微茫綠釀浮杯紅紗照坐起舞當筵低復昂秋光好且  
冷吟閒醉此計差長偶然闌入歡場有俗客前來興也妨恰  
人如兩晉襟懷灑灑落樽開三雅翫屐迴翔笑語官奴兼呼末婢

落筆爭誇錦繡腸流連久愛清言郭象狂悲袁羊

前調

對月高歌細數生平紛紛角張歎少儒戎幕征裘凋敝相如園  
令賦筆擢藏寄淚音書驚心烽火容易人歸百戰場吾衰矣漸  
容銷秦鏡鬢點吳霜風沙古塞伊涼竟誤認他鄉是故鄉悵  
五湖烟水空思泛宅廿年塵土未許褰裳忍負盟鷗更騎官馬  
羞向關西道姓楊誰招隱說小山叢桂吹滿秋香

疎影

爲韻伴樂題梅邊吹笛圖用白石詞韻

明漪浸玉恰小舟如鷺波上棲宿寂寞冬心黯澹春魂併付一  
枝橫竹冷冷清磬聲相應恍人在香南雪北好招他入寺湖光

芙蓉山館詞鈔

卷二

十

來伴吟懷幽獨坐到月高花瘦天風吹暈小空影微綠夜氣  
高寒孤檣初迴燈火前灣漁屋延緣不盡湖山興絕勝似當年  
剡曲寫清遊浣筆冰壺留取疎香尺幅

百字令

初七夜月

靈辰過了愛微黃新月隔簾初上星影闌干雲數點引得吟情  
搖颺街柝才傳庵鐘乍歇空外箏弦響小歡微醉算來不負清  
賞恰好倦枕琵琶北牖企腳天際真人想從此清輝看漸滿  
留客細傾佳釀澄蕊銷紅茶煙裊碧墨泛空明浪夕陽西下笑  
他鄰女猶唱

前調

初八夜月記去年與荔裳在高平話別時用前韻卻

去年今夕正半輪皓魄空桐山上偏照離人催部曲一派旌旗  
搖颺閒道傳烽急郵飛羽笳鼓連天響良辰三五可憐孤負歡  
賞轉眼又是經年燕山蜀棧各有天涯想料得高堂應念我  
對月懶傾家釀暈未全銷圓如有待夢怯巴江浪謝家詩句吟  
成誰和高唱

前調

初九夜月適熒春木吳兼山過寓同周俸雲夜話三疊前韻

晚雲齊斂又月華滿地新弦剛上佳客翩然欣入座風引畫簾  
低颺茗滄舉爐火添商陸靜聽瓶笙響門無剝啄閒中頗愜幽  
賞莫話蜀道風塵吳江烟水

兼山將歸吳門

人海飄零想差喜清光

千里共排悶且沽春釀境自空明人俱疎俊我亦甘流浪一聲

芙蓉山館詞鈔

卷二

銅鉢敲殘更促清唱

前調

初十夜月飲同約齋儀部舊時約齋將乞假南歸四疊前韻

閒園小閣喜銜杯話舊明蟾初上兩樹寒梅齊破蕊坐覺暗香  
微颺妙句調絃清談夏玉何必箏琶響廿年隔面今宵好縱清  
賞羨子得遂初衣東華夢裏浩蕩湖山想京口鱖魚春正美  
爛醉洞庭新釀遲我三秋買他一棹共鼓煙江浪歸田賦好讓  
君且作先唱

前調

十一日夜月紀香谷吏部招飲與涼州沈太守話舊作此東二君五疊前韻

樽開三雅正清郎休沐襟情豪上一院月痕寒似水隔幔霜華  
飄颺綠螳頻浮紅牙試鬪腰鼓春雷響松明張玉圍鑪雜坐歡

賞 廿載關塞棲遲故人相見觸我前塵想記否蘭山曾買醉  
十斛蒲萄紅釀華髮盈顛流光彈指蹤迹萍隨浪伊涼新曲只  
今誰擅高唱

前調

十二日夜無月顧晴芬以詞集見示讀至三更月復  
明朗六疊前韻

春寒料峭把文牕六扇一齊關上牕燭垂花圓似豆一縷水沈  
煙颺霧淞糝糊斐華匝風裂輕冰響笛家琴趣深宵隨意吟  
賞 吟到烏夢難圓梅魂欲化最耐人閒想惜少紅紅能記曲  
且自淺斟新釀堅坐星闌重看月起雲散魚鱗浪不禁忍俊抽  
牋約其酬唱

前調

十三日夜月同春木兼山晴芬俾雲步月廣慧寺訪  
詩僧鏡微七疊前韻

芙蓉山館詞鈔

卷二

七

攜朋散步愛多情皓月照人衣上逐隊最嫌鐙市鬧車馬六街  
塵颺十棒嬌歌千羣戲鼓何似鐘魚響禪關試叩佳哉此夕遊  
賞 才是小據蒲團同拈香偈便作逃禪想留客仲殊偏解事  
蜜酒半甕剛釀高下樓臺參差金碧層疊翻銀浪花宮人靜冷  
冷仙梵猶唱

前調

十四夜月吳穀人先生張船山檢討招飲八疊前韻

詞壇鉅手數叔庠淹雅景陽道上綠酒分曹邀客醉逸興一時  
飛颺隔座藏鈞交竿舞蔗鼓撻銅九響狂歌痛飲九分圓月堪  
賞 漫道磨盾飛書橫戈入陣萬里風雲想縱使功名垂竹帛  
不抵一杯新釀釣渚波平漁舟夢穩嬾破長風浪黃雞白日玲

瓏且慢催唱

前調

十五夜月過鄰曉屏侍郎寓齋小飲九疊前韻

遙山翠暝又一輪圓鏡半空飛上漸覺鳳城春豔婉簾捲東風  
徐颺梅格孤清蕙香閒澹茶鼎松濤響鄒陽與劇開樽邀我同  
賞 卻語杞菊畦荒雲波路隔十載家山想夢裏蒼湖無限好  
水色綠於新釀悄共鷗盟閒聽鶉語泛宅桃花浪倚舷吟嘯和  
他西塞漁唱

前調

十六夜大雪十疊前韻

姮娥艷絕惹玉妃嬌妬跨鸞飛上亂撒瑤華迴舞衷恰趁落鏡  
風颺簷翼懸冰窗敲急霰竹樹蕭騷響玉壺天地今宵別有奇  
芙蓉山館詞鈔 卷二

五

賞 使我神骨清冷擁裘孤坐得句無凡想潤柳吹桃工作態  
一半春嬌先釀銀地無塵瓊田不夜碧瓦生寒浪梁園賦手招  
來試鬪妍唱

菩薩蠻

冰紈小扇裁圓月羅衫愛染秋藍色繡作折枝斜疎落墨花  
晚晴深院宇涼滴青桐雨簾卷盼銀河新添幾尺波

木蘭花慢

雨餘秋淨麗林影外蔚藍天奈一段鄉愁憑高送目杳杳無邊  
風前晚霞紅盡漸遙山黯澹欲成州草際初翹暝鷺枝頭尙咽  
涼蟬 蕭然素髮已垂肩飄泊問何緣悔黃塵烏帽頻番盟夢

過了華年遷延漫籌歸計惱羈懷不是爲無田但祝布颿安穩  
西風好趁江船

百字令

七夕招浣霞芙初孟士竹素春木青士小集寓蘇  
分韻得睡字

溼雲斂影正愁霖乍歇嫩晴天氣淡淡銀河橫遠碧數點落霞  
明綺葉響催涼煙痕送暝夜色清如水邀朋共賞拈毫無限秋  
意莫話天上靈期人間幽恨乞巧兒時事投老情懷偏嬾散  
贏得小歡深醉顛倒桃笙縱橫苦梳堅坐渾忘睡羅心燭炷冷  
螢飛上衣袂

金縷曲

關干

梵字玲瓏極遶迴廊行來約畧舊曾相識不似尋常閑院落十  
芙蓉山館詞鈔卷二

南

二瓊樓寒色正一把柳絲無力約束春情教宛轉拗明蟾肯放  
花陰直蓬山路萬重隔當風不碍疎香入蕩湘波簾紋窈窕地  
翠烟如織回首遊仙成昨夢記否曾調鈿笛更幾度弓弓點屐  
多少呢痕纖指印待重來覓徧全無迹苔花老滿階碧

邁陂塘

題樂蓮裳訪琴園

望嶼巖蕭然獨往此中真有佳處調刁萬竅號天籟天際悅聞  
琴語空響聚正滿澗流雲昨夜西山雨前塵頓悟縱夢斷人遙  
絃孤徽冷懷抱自千古幽尋苦足繭一雙芒屨秋衫半浣蒼  
士林風灑面涼如水日落但聽樵斧愁淚注歎野爨烟寒焦卻  
桐無數良材儻遇便攜訪成連滄波浩淼海上刺船去

蝶戀花

月落空庭雲影度，斷夢難尋，添上秋情緒。搖蕩簾衣輕欲舉。流螢閃閃隨風去。二十五聲殘點誤，憑遍回闌夜靜，無人語。忽覺花梢飄冷露，曉星移上牆頭樹。

菩薩蠻

琉璃一片空明夜，珠簾半卷榆花謝。花露暗吹香，瑤天鶴夢涼。離心空脈脈，斗轉銀河直。風外坐調笙，秋光別樣清。

前調

荒震聽河諸君約遊西山不果作此疎之

秋風薦爽涼雲碎，倚闌望斷西山翠。古夢落誰邊，夜星沈瘦烟。飛仙何處覓，石徑無行迹。洞口月明多，年年長綠蘿。

芙蓉山館詞鈔

卷二

五

百字令

九日偕法梧門學士賈素齋上舍遊極樂寺

攜朋出郭正疎風，迎面滿襟秋緒。衰草黏天，迷望眼一碧更無。今古老柳長隄，殘荷淺沼，曲徑通村壑。林梢翠溼，猶飛昨夜涼雨。最愛梵宇玲瓏，僧樓縹緲，絕好登高處。只恨黃花消息晚，寂寞斜陽荒圃。香繞藤輪，茶翻石鼎，靜裏通禪悟。鐘魚催暝，還回未忍歸去。

邁陂塘

范吳兼山旋里即題其湖田詞隱橫卷

話江南，其饒鄉思，輸君真箇歸去。春明門外，朝煙綠官柳，陰陰無數。傷別緒，儘曳雪牽雲，不繫斑駁。佳銷魂漫賦，算歸到家園，六朝山色冷翠滴秋句。湖干路窈窕，烟波深處，鱗聲輒學吳

語明漪萬頃韓文細淨浣征衫塵土驚倦旅有飛夢隨君先落  
蒹葭浦丁甯舊侶待招隱吟成浮家計就遲我狎鷗鷺

聲聲慢

題生香館主人茶煙煮夢圖

梨雲欲墮蕉雨纔停微烟低裊湘竹夢境迷離響聽瓶笙相續  
文窗綃帷半卷濛溶溶翠痕如縠詩魂悄定應吟遍萬山涼綠  
更著一庭花氣約幾縷薰熏香浮屋彷彿天風吹度碧城  
闌曲惺忪慧心易警正鸚鵡簾鉤催覺扶倦起淪靈芽嫩湯初  
熟

蝶戀花

元夜大風寒甚有作

萬頃銀雲迷夜色杳杳瓊樓一點高寒月卷地風威棉欲折半  
芙蓉山館詞鈔卷二

六

杯松葉玻璃結疊鼓無聲運漏咽蠟淚堆紅窗紙都吹裂凝  
想江南花信息落梅香散春雪

百字令

春夜聞雁

夜亭寒峭正風高欲暈月波微皺雁影一繩聲嘹唳萬疊吳雲  
飛透細草生煙殘花飄散才是歸時候星沈雨滯天涯多少  
倦 廿載別卻江南君行過處風景依然否水國荒涼生計短  
菰米莓苔非舊潦倒羈懷飄零倦各自爭春瘦哀音漸遠擁  
衾惟聽清漏

前調

濃陰昏曙被東風散作滿園浮媚六曲迴廊人不到一片苔痕

香膩鶯粉銷黃蝶魂悽碧都爲春憔悴西山眉嫵鏡中猶鬪青  
翠難得兩度花朝韶華百二彈指今餘幾豔影飄零殘夢斷  
小雨也拋紅淚鈿笛偷吹冰綃暗寫惆悵年時事鵲鑪煙瘦峭  
寒簾外如水

洞仙歌

憶春湖

故鄉雲水憶蓉湖佳絕滑笏波光漾春色何時歸計準小坐苔  
磯衣塵浣俯照明漪千尺昨宵清夢好柔橈呀啞驚起輕鷗  
度環碧略約夕陽斜穿過前灣林影外烟嵐層疊有三兩漁舟  
傍桃花看網出銀鱗一罾紅雪

賀新涼

初夏過蘭然亭尋壁間竹素青士筇雲舊題半已  
磨滅矣悵然賦此

芙蓉山館詞鈔

卷二

七

散步城西曲愛蕭疎江家亭子數椽幽築榭後蟬前紅意盡換  
了悵悵濃綠正雨過煙蕪如沐一片涼光雲樹外看遊禽三兩  
閒相逐耽嘯咏謝羈束登臨悵望流光速背斜陽藤花吹滿  
小闌千角俊侶飄零天末遠回首不禁根觸重認取舊時游躡  
壞壁摩挲題字脫只蘚痕斷處蝸涎續消魂句忍重讀

浣溪紗

短短紅蘭映碧紗倚闌人瘦態天斜鎖香庭院謝娘家  
蛛蝶情多宜掌夢駕央恩重合司花三生惆悵隔天涯

菩薩蠻

無情霜片催花落纏綿絮語紅衾薄嬌喘細難支秋魂剩一絲

花叢千窈窕最憶鍼神巧彈指彩雲銷遊仙去夢遙

前調

迎陵仙鳥傳嬌語迴闌悄立司花女劫後再來身相逢證夙因  
接天秋水碧樓閣玲瓏極人倚小芙蓉紅香四面風

摸魚兒

重九後一日同梧門菊泉過極樂寺訪菊遲袁蘭村不至

叩招提四三吟伴襟懷蕭澹如許黃花半已移根去寂寞亂莎  
荒圃霜葉舞任紅到銷魂不是吳江樹鄉心漫苦只目送寥天  
閒雲過盡一碧沈殘雨西風裏野色蒼涼無主亭臺高下煙  
霧山僧留客餐香積共趁瓢堂齋鼓聽俊語道此度清遊惜少  
袁臨汝沿畦小步又回首疎林依依暝翠雁背斷霞暮

芙蓉山館詞鈔

卷二

六

水龍吟

錢謝卷吏部緣伽楠精舍銷寒第一集分賦得騰  
禧殿詠劉夫人遺事

瑤池八駿歸來後車載得真佳麗明姿絕世香柔粉秀六宮誰  
比生小傾城肯輸漢殿延年女弟是瓊葩無種移根天上莫認  
野花偏媚野花偏有色  
康陵句也聞道碧霞旛底儘雙題九重名字昔  
年扈從珠璫共輦錦袍連騎諫獵書稀當熊人去淒涼舊事問  
遺簪何處蘆溝橋畔一灣流水

瑤臺第一層

芙蓉山館銷寒第三集分題吳彩鸞寫韻圖

寫出蕊珠仙子展銀光點素毫嬌鬢低亞八千韻字織指能鈔  
靈書畱秘笈想薔花絕世丰標癡愁甚從旁裏手卻笑文翰

蕭條備書生計便神仙也覺無慘筆牀塵冷硯池波涸情障難

銷上清淪謫久倩青禽傳語藍橋盼三霄悵眠蠶字滅跨虎人

天香

程春廬駕部瑞鶴巢探春第一集分賦佛手柑

篤耨香濃兜羅綿軟諸天金界招手指月玲瓏逆風芬馥爪甲  
了無塵垢禪機參透問彈處華嚴現否供向烏皮几淨伴人小  
窗清晝蓮臺鎮長合十願皈依赤華青豆鼻觀聞薰未必妙  
因無漏應是拈花笑後帶一種氤氳自靈鷲小屈雙尖似持神

咒

玉漏遲

正月十三夜

中庭閒徙倚試燈時節試香天氣雪意垂垂釀得春寒似水疊  
芙蓉山館詞鈔卷二

九

鼓巖城暗數看密炬頻銷殘穗風又起迷離月暈小窗深閉  
幾處佳宴傳柑喚銀甲彈箏繡巾香膩縱覓歡場無奈心情不  
是顛倒江南歸夢只遶徧玉梅花底空引睇迢迢夜雲千里

沁園春

宋意園水部齋中小集分賦得落花香

搖蕩東風滿地零紅餘香尙留伴茶煙微颺吹過碧盃水沈初  
燼裊上銀篝喘細疑無噓輕易斷蘭氣氤氳澹不收閒庭院覺  
舊情一點猶遶枝頭穠華彈指成秋剩翠霧清陰溼欲流况  
春歸玉塞麝迷青冢魂銷金谷珠墮紅樓蝶倦還尋蜂愁苦戀  
十里輕塵萬斛愁仙蹤遠縱返生堪覺何處麟洲

甘州

爲小謝題西溪禪隱圖

怨豈風吹折到青蓮燈火禮金仙  
算埋愁無地淒涼身世佛也  
應憐空說曼陀法界歸去再生天  
只幾番情劫斷送華年 稽  
首香臺發願便飄然瓶拂到處隨緣  
向團蒲穩坐清唄磬聲圓  
莫重題三生舊恨怕參來都是斷腸禪  
誰相訪西溪雲水添箇  
漁船

高陽臺

江亭感舊

山色零青土花剩碧蒼涼亭榭重  
過泥雪行蹤能禁幾度銷磨  
梨魂絮影迷離極認前塵比夢還  
訛遠回廊斷盡柔腸燕子知  
麼 青衫我自傷憔悴怪紅羞粉  
澀一樣蹉跎風颺殘花無端  
吹蕩簾波西陵翠燭知何處渺天  
涯斜照關河恨無情春水林  
芙蓉山館詞鈔 卷二

塘弄影羅羅

聲聲慢

題陶覺香客舫填詞圖

燕香淺渚鷺影明波一枝柔艣輕  
搖待艤鳥篷漫空晚雨飄蕭  
遙山數峯愁黛對離人商略無  
膠繙舊譜正空江獨夢落月歸  
潮 愧我長年漂泊恨鱸鄉釣里  
小隱誰招渺渺費洲輪君吟  
到魂銷何時共呼烟艇趁水天涼  
夜吹簫聲未了伴小紅低唱  
過橋

甘州

題張子白邊城插柳圖

拍金笳別譜柳枝歌攙入角聲多  
渺荒寒一片夕陽影裏搖兀  
明駝記否藏烏亭榭春水碧於  
雜更層陰駐馬舊夢蹉跎 惆

悵風姿如許恁孤根無分移傍靈和認塞煙沙雨此地我曾過  
向離亭送君西去折長條宛轉奈愁何人空老漢南回首此樹  
婆娑

滿庭芳

閏六月十九夜暑甚夢後作

青乳初零素華微暈天風別樣高寒弄梭人倦垂手玉闌干指  
點瓊田萬頃三山遠紫府程寬知何處飛來飢鳳偷啄碧琅玕  
銀鸞橋未就盈盈一水香霧迷漫聽瑤笙幽咽清響隔雲端  
坐到榆花影瘦秋如水孤對晶盤銖衣薄綃衫換著千二百輕

鸞

臨江仙

擬賀方回人日詞

芙蓉山館詞鈔卷二

五

幾陣東風融豔雪紅霞一抹初妍者回春色倍嫣然柔卿纔卻  
扇定子正當筵 曉日低低飛瑞鵲牆頭樹已含烟合歡羅勝

影翩翩鑑薰還解事扶暖止釵鈿

臺城路

題葉小鸞疏香閣眉子硯拓本

瓏玲片石銷沈久空留數行題字鏤雪詞新簪花格瘦綠影淺  
分螺子疎香閣裏想幾度摩挲定勞纖指無限清愁遠山低鎖  
一痕翠 瑤臺環珮去遠只雲絲帖帖暗記蠶紙蕉葉微涼櫻

桃細雨滴盡玉蟾清淚蓮臺證偈早綺障全空罷修眉史楓冷  
凋紅水天談舊事

念奴嬌

溪風迎面望長淮  
墳起狂濤如屋濁  
酒澆腸杯快倒酣  
嘯好平肌粟劍事  
猿公經繙鹿女奇  
氣偏驚俗旅懷頽  
宕雄才誰念蕭育  
獨夜越鳥號寒蒼  
茫渴旦電走華年  
速蚤歲長楊誇賦  
手健筆濃揮散卓  
佳俠名虛談交金  
盡無地堪投足商  
音催響高吟還對  
孤燭

摸魚子

望鄉園柴桑松菊  
風船小住淮浦寒  
潭雪影明漪浸淨  
浣征衣塵土還起  
舞憶幾載平泉滿  
座誇豪舉京華俊  
侶定酒煖茶甘清  
歡淺醉刻燭引詩  
虎長干好好在石  
城東渚蒼波澹宕  
佳處五陵遊俠揮  
金盡短髮霜絲垂  
素驚倦旅聽獨夜  
西烏杳杳芙蓉山  
館詞鈔卷二

三

南飛去吟身感遇  
證後約前綠林扉  
深隱真不羨懷祖

木蘭花慢

愛清淮水閣珠袖  
卷玉簾絲喚戰月  
青舟酒痕零碧吹  
上生衣幾度騰騰  
淺醉聽紅鴉啼過  
落花時梨夢悠揚  
蝶見桃魂黯黯澹  
鷓鴣知天涯佳約  
斷星期艇子卻歸  
遲好踏歌小海湘  
靈悵怨瘦損吳兒  
蕭蕭夜潮寒色怕  
驚烏難戀定風枝  
畱客新彈短燭香  
苔閒寫情癡

前調

指雷塘舊路煙影  
外雨絲飄記昔日  
佳遊囊琴載酒岸  
山停橈迷離碧蕪  
城郭尚錦帆何處  
蕩春潮寒食玉鉤  
斜畔落花飛過

紅橋 魂銷蘭信渡江遙商女學吹簫怕後夜香衾二分月色  
孤照無繆相思雪晴東閣折苔枝閒惹翠禽嘲便擬清歡更續  
莫教華鬢先凋

慶宮春

漁浦雲荒野門赧暝天半落帆風色頽岸沙瀾空潭冰鏡吳縣  
真恐吹折旅宿淹留羨水鶴踏波無迹冷淡冬心淨名經卷好  
依枯佛 夜靜星斗高寒船尾商聲玉龍吹雪遙山瘦盡烟魂  
欲化飄出一絲絲碧元暉老去但博得吟懷清發更長夢醒霜  
氣如潮海蟾孤白

踏莎行

莫愁湖秋泛

芙蓉山館詞鈔

卷二

三

浴鷺明漪藏鷺近渚小舟涼載菰蒲雨晚山相對話清愁當年  
曾是盧家住 衰草迷煙幽蘭泣露鬱金堂上人何處西風吹  
冷半湖秋雙栖海燕辭巢去

憶舊遊

倉山月話圖

又鷗邊過酒菴外尋詩人在池亭樹老倉山路約舊時月色來  
話飄零百年幾回圓缺愁鬢易星星怪一片冰痕照人前夢別  
樣分明 關情舊遊處記霧閣圍花雪屋停鐙冷落琳華曲悵  
醉翁仙去飛珮瑤京迴廊尙留題句小字署蘭成待過盡涼雲  
夜峯數朵煙外青

虞美人

題曉寒仙夢圖

仙鬢十八明妝靚鸞背娉婷影瓊樓高處佩聲寒一抹朝霞紅  
近曲闌干 眞珠密字香牋小帖帖雲絲裊通詞無計託微波  
歸去白榆風裏落星多

念奴嬌

林光靜鎖映樓前渺渺川鋪澄練水宿悵迷疑中酒小極吟情  
微倦嫩約鱗遙虛盟鳳杳風外鄉心遠黛織眉薄晴峯千朵低  
見 應歎簾動棲鸞紗空引蝶客裏年華晚卧對殘釭凝淺紫  
層疊珠裙雙捲捲載雪清遊敲詩癡坐船火明沙岸海蟾飛下冰  
痕照破霜苑

蝶戀花

芙蓉山館詞鈔卷二

畫

六曲屏山愁萬疊深掩孤唄宛轉牽雲葉十二瓊樓人小立翠  
帷高捲明蟾入 花落黃昏宮漏急夢冷春魂紅淚羅巾溼瘦  
斷玉腰裙百摺寶奩香散泥金蝶

湘月

爲倪米樓題蘆中秋瑟譜

雲荒古泐寫愁漪黯澹一匳秋鏡擢入蘆花明似雪人坐蕭蕭  
寒影殘葉敲鐙涼枝過笛霜意添疎鬢費洲按譜玉絲風外淒  
緊 當日畫閣徵歌旗亭貰酒冶習消除盡小艇招鷗烟水曲  
古調而今誰聽蒲綠裁帆荷青製笠結屋成漁隱新知最好淨  
家有約同訂

高陽臺

又題夢隱詞

散帙消愁支琴送日一番惆悵誰憐殢酒懷人思量往事如煙  
吟魂合伴梨雲住醒春愁莫近啼鶻向翩翩蝴蝶前身悟到詩  
禪繁華彈指春明夢把三分塵土輕換流年綠遍西泠樓前  
春水浮天鏡塘香冷蘋花瘦掩烏篷雨外閒眠任飄零一枕曹  
臙都付遊仙

憶舊遊

又題酒邊花外詞

記迴闌鬪酒小閣吞花同款青尊倚遍紅紅曲認春衣零落猶  
帶香痕回首六橋煙柳濃綠已巢鶯消受年華幾番吟醉悵悵  
前塵家鄰湖畔路憶筵上橫簫歌罷笙水榭瀟瀟雨只畫  
簾香暗怕近黃昏重省三生舊事幽句慣題裙儘刻意傷春小  
芙蓉山館詞鈔卷二

五

桃樹底深閉門

水調歌頭

爲馮墨香題自在舟吹笛圖

烟水渺無際自在泛輕舟一聲嫋嫋橫竹隔浦和漁謳薄宦三  
茅山下舊宅三高祠畔風月足佳遊閒夢驛橋雨按拍譜蕢洲  
長干曲桓家步儘句留據牀爲作三弄四座散清愁隨意合  
商咀徵乘興提鷗挈鷺蹤迹信沈浮吹徹玉龍曲浩蕩海天秋

臺城路

柳絲不綰離人住篷窗一枕殘醉衣上香痕酒邊愁緒小夢暗  
隨潮尾紅牙拍碎忘不得樽前銷魂曲子解說相思曉寒曾汲  
井華水輕橈堤畔初艤望高樓天末箇人憔悴林月微黃淡

風澹碧夜色半江迢遞倚舷凝睇又津鼓頻催峭帆千里渺渺  
啼鴉水天漁唱起

芙蓉山館詞鈔卷二

美



芙蓉山館詞鈔卷二畢

原本男磨生校字

芙蓉山館詞坵鈔

金匱楊芳燦蓉裳著

拗蓮詞

集飛卿句

子夜歌

清歌響斷銀屏隔寒絲七柱香泉咽素手直淒清蕭蕭故國情  
舊詞緜白紵定得郎相許聽破復含頻黛蛾攢豔春

前調

紅珠斗帳櫻桃熟香昏龍氣凝暉閣梔子詠同心空期嗣好音  
郎隨早帆去好月當三五梅落不歸家滿庭山杏花

前調

芙蓉山館詞鈔

坵鈔

春風幾許傷情事江頭欲種相思子歌轉斷難尋誰知歷亂心  
門前烏柏樹妾住金陵步雲水是天涯開帆到曙霞

前調

重城漏斷孤帆去雞鳴埭上梨花露催過石頭城歸心在翠屏  
煙波五湖遠遠水斜如翦回首更躑躅晴天度雁疎

前調

鴛鴦豔錦初成匹滿樓明月梨花白人事出門多青春奈怨何  
蠟珠攢作葦夜半東風起因夢寄江淹翹緜翠鳳簪

前調

錢塘岸上春如織樓前澹月連江白波淺石粼粼微風蕩白蘋

買蓮莫破券蓮少舟行遠鳧雁滿迴塘天高一笛涼

前調

青樓二月春將半吳姬怨思吹雙管昨夜夢長安連娟眉繞山  
別情無處說有伴年年月峯寂掩雙扉回文空上機

前調

玉墀暗接昆崙井誰言芳草連三徑何意爲王孫登臨幾斷魂  
寂寥閒望久贈遠聊攀柳江浦樹蒼然山昏鳥滿天

前調

香鐙悵望飛瑤鬢兩重雲母空烘影斜月到采暎何因入夢思  
城頭五更鼓慘澹天將曙宿鳥起寒林霜清玉女礎

芙蓉山館詞鈔

增鈔

二

前調

蘭芽出土吳江曲門前春水年年綠鷓鷯自浮沈方疏隱碧潯  
南樓登且望白雪調歌響花壓李孃愁簾褰玳瑁鉤

前調

今朝領得東風意上林鶯囀游絲起煙暎霽難收珠簾玳瑁鉤  
池塘芳意溼春草年年碧楚國在天涯馬嘶金面斜

前調

緘情遠寄愁無色年年錦字傷離別回首問橫塘天邊歸路長  
寶題斜翦翠薄暮香塵起柳岸杏花飛因風到舞衣

前調

夜閒猛雨判花盡柳邊猶憶紅颺影蝴蝶夢悲莊青樓空艷陽  
送君遊楚國院裏鶯歌歇非復嬾鳴琴文園有好音

前調

丁東細漏侵瓊瑟羅屏半掩桃花月閒夢正悠悠鸞娥不識愁  
薄雲欺雀扇換裏回歌面輕步宛霓裳恍聞蘭澤香

前調

紅絲穿露珠簾冷塔前碎月鋪花影朔雁度雲遲窗閒斷暗期  
理釵低舞鬢卻畧青鸞鏡相顧復沾巾花題照錦春

前調

金鮮不動春塘滿小姑歸晚紅妝淺多唱柳郎詞萍多下釣遲

芙蓉山館詞鈔

增鈔

三

細音搖翠佩浙瀝相風外湘廟夜雲空相期一笑同

前調

誰能不遂當年樂鈿蟬金鳳俱零落迢遞豔陽時闌珊玉局甚  
只應春惜別芳意憂鷓鴣猶欲過高唐蟲絲罨畫梁

前調

韶光染色卹娥翠平春遠綠窗中起花髻玉瓏璵美人清鏡中  
粉香隨笑度寶袜徘徊處宿雨泣晴暉梅梁乳燕飛

前調

愁腸斷處春何限窗閒謝女青娥歛清漏紫微天墮隄楊柳煙  
含愁復含笑嬾逐妝成曉宮紫暈流蘇幽屏臥鴉鳴

前調

自憐金骨無人識，含商咀徵，雙幽咽鬢態伴愁來，閒庭見早梅。  
吳妝低怨，思翦勝裁，春字蒼語，柳稊稊輕寒，不隔簾。

前調

與君便是鴛鴦侶，雲飛雨散，知何處牀冷簟連心，華燈對錦衾。  
舞衫萱草，綠暎暎遙相屬，方寸是星河，年年鏡水波。

前調

景陽妝罷瓊牕暝，早梅猶得，回歌扇先解，報春風一枝惆悵紅。  
金筓悲故曲，渭水波搖綠，鷺轉柳如絲，熏鑪悵望時。

前調

芙蓉山館詞鈔

增鈔

四

鶯聲巧作煙花主，低徊似恨橫塘雨，睂意似春闈，綠楊千萬絲。  
重鱗疊輕扇，豔笑雙飛斷，愁甚擬春眠，相思高楚天。

前調

蠟烟如爨新蟾滿，濃陰似帳紅薇晚，箏語玉纖纖，盧姬逞十三。  
曲瓊垂翡翠，蕩漾春風裏，此別已淒然，無媒竊自憐。

前調

若教猶作當時意，兩重秦苑成千里，晚柳未如絲，美人何可期。  
香鐙伴殘夢，林外晨光運，餘潤拂芝蘭，漱瓶知早寒。

前調

謝郎東墅連春碧，檐前依舊青山色，紅嘴啄花歸，輕陰隔翠幃。

夢長穿楚雨依約腰如杵生綠畫羅屏覺來春鳥聲

前調

紅垂果蒂櫻桃重颺颺掃尾雙金鳳青鎖見王沈江雲潤古琴  
感深情懨恍屏掩芙蓉帳一笑事難忘雞鳴錦幄傍

前調

粉痕零落愁紅淺壞牆經雨蒼苔徧尊酒愆離顏歲華非故園  
春風何處好門外芙蓉老蜂重抱香歸輕陰徑草微

前調

芙蓉力弱應難定晶簾片白搖翻影晴日照湘風花宜插髻紅  
流蘇持作帳繡戶香焚象疑粉試何郎寶梳金鈿筐

芙蓉山館詞鈔

詞鈔

五

前調

華堂客散簾垂地黃鶯不語東風起棊陳靜悄悄高窗留夕陰  
紫苔侵壁潤月瑣千門靜幽草綠無塵枳花春滿庭

前調

入窗新樹疎簾隔殘芳在再雙飛蝶紅粉自傷神分香翠黛頻  
東風故城出楊柳鶯橋綠此地昔傷離歲華空與期

前調

李娘十六青絲髮回嚬笑語西窗客扇薄露紅鉛歌愁歛翠鈿  
畫樓初夢斷屏上吳山遠風暖覺衣輕香多夜雨晴

移爭詞

集玉溪句

菩薩蠻

羅屏但有空青色蟾蜍夜豔秋河月堂靜桂森森疏螢怯露深  
蠟花長遞淚鏡拂鉛華膩私懺詠牽牛儂今定莫愁

前調

舞鸞鏡匣收殘黛香肌冷襯瑤琤珮簾卷已涼天前墀思黯然  
暗樓連夜閣銀箭催搖落眉細恨分明頻抽翡翠簪

前調

嬌薰蘭破輕輕語覺來正是平階雨倚立自移時青燈兩鬢絲  
撥惹驚火鳳何處無佳夢第一楚宮腰曾來碧綺寮

前調

芙蓉山館詞鈔

附鈔

六

柔腸早被秋眸割此情可待成追憶歌唱落梅前青樓自管絃  
豈能拋斷夢舊作秦臺鳳別夜對銀釭含情雙玉璫

前調

西樓一夜風箏急金蟾齧鎖燒香人人更迴於樓凌波有舊遊  
不知滄海路並馬同吟去只是見鴛鴦孤蓮泊晚香

前調

浣花殘紙桃花色廣陵別後春濤隔不奈寸腸何心酸子夜歌  
綵鸞空自舞浦冷鴛鴦去池闊雨瀟瀟荷畝正抱橋

前調

劉郎已恨蓬山遠窈妃愁坐芝田館飄落各西東仙衣盡帶風

心知兩愁絕解佩無遺迹好好寄雲波湘篁染淚多

前調

扇裁月魄羞難掩星沈海底當窗見舊好隔良緣難忘復可憐  
水亭吟斷續假寐憑書籠自是有鄉愁來風貯百郵

前調

斑驩只繫垂楊岸後堂芳樹陰陰見小苑試春衣簾疏燕誤飛  
小闌花盡蝶鏡檻芙蓉入繡領刺鴛鴦鮫綃熨下裳

前調

夢爲遠別啼難喚梁間燕子聞長歎吟罷更無驚愁眉淡遠峰  
離情堪底寄道卻橫波字枕冷被仍香先春已斷腸

芙蓉山館詞鈔

附鈔

七

前調

深知身在情長在重吟細把真無奈容易卽迴腸蕭蕭髮彩涼  
春風三二月忍放花如雪聽我苦吟詩前溪問所思

前調

桂宮畱影光難取梧桐莫更翻清露烏沒夕陽天西樓不住煙  
如何爲相憶多擘秋蓮菡歸夢不宜秋殘鐙獨客愁

前調

院門晝鎖迴廊靜蝶銜紅蕊蜂銜粉日薄不嬌花西樓倚暮霞  
含情春晚晚回首雙飛燕何事亦離羣端憂復至今

前調

襟灰爲土填清露肯銜獨共餘香語唱殺畔半愁鴛鴦兩白頭  
靈歸天上匹但見蒙羅碧臨酒欲拌嬌凌晨恐易銷

前調

南塘漸暖蒲堪結江魚朔雁長相憶綰錦不成書今朝百草輸  
爲含無限意怨目明秋水含淚坐鸞機小園花亂飛

前調

謝遊橋上澄江館闌門日下吳歌遠渡鞦韆水沾羅風長柰柳何  
故山歸夢喜我意殊春意啼笑兩難分殘花伴醉人

前調

一春夢雨長飄瓦堂中遠甚蒼梧野旅宿倍思家天涯日又斜

芙蓉山館詞鈔

附鈔

八

鶯啼如有淚恨望西溪水松竹一相思三年間訊遲

前調

西園碧樹今誰主清聲不遠行人去一樹碧無情寒溪曉更清

畫樓終日閉秋蝶無端麗又見鷓鴣飛煙中結響微

前調

蘭回舊蕊緣屏綠何當共翦西窗燭迴照下幃羞簾烘不隱鈎

枕寒莊夢去舊鏡鸞何處其柰落花朝珠啼冷易銷

前調

今朝相送東流後金鞍忽散銀壺漏從此抱離憂長眉惟是愁

柔情終不遠客去波平檻柳色欲侵江傷離適斷腸

前調

鶯花永巷垂楊岸未容言語還分散空解賦天台如何更獨來  
花將人共笑囊袂芙蓉小筆柱鎮移心心中心自不平

前調

春臆一覺風流夢越羅冷薄金泥重舞蝶太侵晨飛來繡戶陰  
薔薇泣幽素隔樹澌澌雨明鏡惜紅顏春衫瘦著寬

前調

夾羅委篋單綃起明珠可貫須爲佩婀娜曲池東輕憂豔雪融  
相看不相識舊思牽雲葉月幌夢飛沈園空蛺蝶尋

前調

芙蓉山館詞鈔

增鈔

九

身無彩鳳雙飛翼人生豈得輕離別含淚坐春宵相思正鬱陶  
鎖香金屈戌半展龍鬚席中冷想夫爭細蘭怨紫莖

前調

輕衫薄裊當君意更無人處簾垂地只是近黃昏星河壓故園  
香桃如瘦骨預想前秋別相望不應迷經寒且少啼

前調

可憐庾信尋荒逕此花此葉常相映竟日小桃園依依傍竹軒  
檻危春水暖柳訝雙眉淺細點未開萍溪邊坐石平

前調

更深欲訴娥眉歛石家蠟燭何曾翦微露淺深情羅疏畏月侵

秦絲嬌未已月沒教星替簾卷碧牙牀溫幃翡翠香

前調

蓬山此去無多路王昌且在牕東住十二學彈箏青樓有美人  
鎖門金了烏翠帶花錢小孤蝶小徘徊青樓人未歸

前調

荻花村裏魚標在舊山萬仞青霞外柳自不勝烟愁情相與懸  
西風吹白芷緩逐煙波起山晚更參差蟬休露滿枝

前調

幽蘭泣露新香死空留暗記如蠶紙小閣鎖飛蛾新歡借夢過  
紅樓三十級鳳女彈瑤瑟翠幕自黃昏牕高月有痕

芙蓉山館詞鈔

增鈔

十

前調

湘江竹上痕無限悠揚歸夢惟鐙見同向一窗鐙河秋壓雁聲  
併添高閣迥不見姮娥影臨水卷空帷輕斟瑪瑙杯

前調

鴛鴦可羨頭俱白玉郎會此通仙籍千二百輕鸞華星送寶鞍  
寶匳拋擲久江闊頻回首年鬢日堪悲新編雜擬詩

